



Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 77 (12.138)

Баҳоси эркин нарҳда

ПОЙТАХТНИНГ БИР КУНИ



Иқтисодиёт

СИФАТГА ЭЪТИБОР ҚАРАТИБ

Пойтахтимиздаги «Руду» хусусий корхонаси улардан бири. Ёшларга хунар ўргатиш ва уларни иш билан таъминлаш истагидаги тadbиркорнинг тикувчилик цехида турли бичимдаги замонавий либослар тикилмоқда. Маҳсулотлар аёлларга ҳар жиҳатдан манзур бўлиб, бозорда ўз харидорини топмоқда.

— Давлатимиз раҳбари томонидан кичик бизнес ва хусусий тadbиркорлик субъектларининг ҳар томонлама қўллаб-қувватланаётгани, яратилаётган имкониятлар бизга куч-гайрат бағишламоқда, — дейди корхона раҳбари Лола Йўлдошева. — Соғлом рақобат муҳитида турли йўналишда хизматлар қўламини ва маҳсулот сифатини янада ошириш орқали миқозлар ишончига кираётганини. Аслида ҳам, мулк эгасини топса ва унга мо-

лиявий кўмак берилса, ишбилармоннинг иши ривожланади. Бизда тadbиркорлик билан шугулланиш истагидаги инсонларга барча шароитлар яратилган.

Ўзимдан қиёс. Айланма маблағ қанча кўп бўлса, катта ҳажмдаги маҳсулотлар ишлаб чиқаришга бемалол киришиш мумкинлигини бугунги кунда нафақат иқтисодчилар, балки ҳар бир юрtdошимиз жуда яхши билади. Биз ҳам айланма маблағимизни кўпайтириш ва янги турдаги тикув машиналари харид қилиш учун туманимиздаги молия муассасасига мурожаат қилиб, 12 миллион сўмлик сармояга эга бўлдик. Маъмур маблағ эвазига либосларни тошлар ва миллий нақшлар билан безашда қўл келувчи замонавий ускуна ва технологиялар харид қилсак, ишлаб чиқараётган маҳсулот-

«Ўзбекистонда ишлаб чиқарилган» белгиси билан юртимиз бозорлари ва дўконларига чиқарилаётган маҳсулотлар сони ва сифати кун сайин ортмоқда. Демакки, барча тармоқларда, хусусан, аҳолига турли либослар тайёрлаш йўналишида сифатли ва рақобатбардош маҳсулотлар етказиб берувчи корхоналар ҳам кўпаймоқда.

ларимизнинг сифати ҳам, ҳажми ҳам янада ортади.

Аёлларнинг 10 хилдаги қишки ва 15 хилдаги ёзги кийимлари тайёрланаётган корхона 2011 йилдан буён фаолият юритмоқда. Қисқа даврда корхона ички бозорга 30 миллион сўмликдан зиёд маҳсулот етказиб берди. Жорий йилда эса бу кўрсаткични янада ошириш ниятида тикувчилар сони оширилмоқда. Шунингдек, касаначилик асосида иш ўринлари очилаётди.

— Тикувчи қизларимиз тайёрлаётган маҳсулотларни харидорларга арзон нарҳларда ва тезроқ етказиб бериш мақсадида савдо дўкони фаолиятини йўлга қўйганмиз, — дейди цех бошлиғи Нилуфар Эшмухаммедова. — Харидорлар дўконларимиздан маҳсулотлар харид қилиши, ўзига ёққан ўлчамдаги либосларга буюртмалар бериши мумкин. Маҳсулотларимиз нақд пул ва пул ўтказиш йўли билан сотилмоқда.

Яратилган иштиёқи билан яшаётган Лола опанинг истиқболдаги режалари янада улкан. Бу йил ўз корхонасида «Уста-шоғирд» мактабини йўлга қўйиб, ёшларни бу ишга янада кенгроқ жалб этишни ният қилган. Хусусан, ёшлар орасида тикувчиликка қизиқувчилар қўлини янада йиғиб олиб, уларнинг интилишини амалий кўнма билан мустақамлашга кўмаклашмоқда.

Замонамизнинг тadbиркор, оқила аёллари оиласининг иқтисодий аҳолини ўнлаш, фарзандлари келажакдаги таъминлаш истагида касб-хунар ўрганиб, миллий анъаналаримиз давомийлигини таъминламоқда. Буларнинг барчаси оиламизда янада тўқинлик ва фаровонлик, маҳалларимизга фойда бағишлайди.

Зиёда ВОХИДОВА

БАРҚАРОР БАНК ТИЗИМИ ҚУЛАЙ ИШБИЛАРМОНЛИК МУҲИТИНИНГ МУСТАҲКАМЛАНИШИГА ХИЗМАТ ҚИЛМОҚДА

Президентимиз Ислам Каримов раҳнамолигида банк-молия соҳасида амалга оширилаётган изчил ислохотлар самарасида бугун мамлакатимиз банк тизими барқарор фаолият олиб бормоқда. Бунинг яққол далилини сўнгги икки йилдан буён Ўзбекистон банк тизимига нуфузли халқаро рейтинг агентликлари томонидан «барқарор» рейтинг даражаси берилётгани ва шундай баҳога сазовор бўлаётган банкларимиз сони ортиб бораётганида ҳам кўриш мумкин.

Президентимиз Ислам Каримовнинг 2011 йилнинг асосий яқунлари ва 2012 йилда Ўзбекистон ижтимоий-иқтисодий ривожлантиришнинг устувор йўналишларига бағишланган Вазирлар Маҳкамасининг мажлисидаги «2012 йил Ватанимиз тараққиётини янги босқичга кўтариладиган йил бўлади» маърузасида 2011 йилда депозитларга 2010 йилга нисбатан 36,3 фоиз кўп маблағ жалб қилингани алоҳида таъкидланди.

Тижорат банкларининг инвестициявий фаолиги ортиб, банклар қўйилмаларининг 75 фоиздан кўпрогини уч йилдан зиёд бўлган узок муддатли инвестиция кредитлари ташкил этмоқда. Умуман, сўнгги ўн йилда банкларимиз томонидан иқтисодиётнинг реал секторини кредитлаш ҳажми 7 баробар ошгани алоҳида эътиборлидир.

«Ижтимоий фикр» жамоатчилиги фикрини ўрганиш маркази томонидан 2011 йилнинг яқунлари бўйича мамлакатимизнинг барча минтақаларида сўров ўтказилди. Сўровда банк-молия тизими ҳақида жамоатчилик фик-

ри ўрганилиб, соҳага оид муҳим натижалар қайд этилди. Мамлакатимиз тараққиётда банк тизимининг алоҳида ўрни борлигини иштирок этган респондентларнинг деярли барчаси алоҳида эътироф этдилар. Банк тизими ҳақида фикр билдирганларнинг аксарият қисми мамлакатимиз банкларининг бугунги фаолияти бўйича «юқори» баҳони кўрсатган.

Социологик сўровда тижорат банкларига тadbиркорлик субъектларига кўрсатилётган молиявий кўмак, яратилган шарт-шароит, аҳоли омонатлари бўйича тақлиф этилаётган хизматларининг кенг қамровли экани, тижорат банклари томонидан миқозларга янада қўлайликлар яратиш мақсадида замонавий технологиялар асосида юқори даражада хизмат кўрсатилётгани, банклар томонидан кенг қўламдаги маслаҳат бериш ва масаланинг ечимида яқиндан ёрдам кўрсатиш ишлари олиб борилаётгани респондентлар томонидан алоҳида қайд этилди.

(Давоми 2-бетда)

Ф. ГРЕНЕТ: «ЎЗБЕКИСТОНДАГИ БЕТАКРОР ТАРИХИЙ ВА МАДАНИЙ МЕРОСНИ ТАДҚИҚ ЭТИШ БИЗ УЧУН ШАРАФДИР»

Маълумки, ЮНЕСКО ташаббуси билан 18 апрель ҳар йили бутун дунёда Халқаро ёдгорликлар ва тарихий жойлар куни (Умумжаҳон мероси куни) сифатида нишонланади. Ушбу санани нишонлаш умумжаҳон маданий меросини асраб-авайлаш масалаларига жамоатчилик эътиборини жалб этиш мақсадида 1983 йилда ЮНЕСКО ҳузуридаги Ёдгорликлар ва диққатга сазовор жойларни асраш масалалари бўйича Халқаро кенгаш Ассамблеяси томонидан тақлиф қилинган эди.

Умумжаҳон мероси кунинда инсоният тарихи мобайнида жаҳон халқларининг яратувчилик саъй-ҳаракатлари билан барпо этилган дунё маданий меросини асраб-авайлаш лозимлиги ёдга олиниши анъана тусини олган. Шу муносабат билан, Франция Санаъат ва нафис адабиёт академиясининг муҳбир аъзоси, Самарқанддаги Ўзбекистон - Франция археология экспедициясининг раҳбари Франц Гренет «Жаҳон» ахборот агентлиги муҳбири билан бўлиб ўтган суҳбат чоғида маъмур қўшма экспедиция аъзолари Ўзбекистондаги бетакрор тарихий ва маданий меросни қайта тиклаш бўйича олиб борилаётган ишлардаги иштирокини ва бу эзгу ишга ҳисса қўшишни ўзлари учун катта шараф, деб билишини қайд этди.

— Археологларнинг вазифаси нафақат қазиларни ишлаб олиш, топилмаларни ўрганиш ёки улар натижаларини нашр этиш, балки фаолият олиб борилаётган мамлакатларнинг маданий ва тарихий меросини бойитиш ҳамдир, — деди у. — Шу аснода биз сўнгги йиллар давомида кўпгина тақлифларни ишлаб чиқдик. Улардан бири Самарқанд музейида тақдим этилган ва бутун дунёга машҳур «Элчилик» номли деворга солинган суратга тааллуқлидир.

Бу сурат 1965 йили Самарқанд остонасидаги Афросиёб шаҳри ўрнида жойлашган деворий безакларга эга бўлган сарой мажмуасидан топилган. Ҳозирги вақтда уни авайлаб сақлаш бўйича алоҳида чора-тадбирларни амалга ошириш зарур. Шу мақсадда биз махсус уюшма ташкил этилиб, жорий йилда жаҳон маданиятининг ушбу нодир дурдонасини қайта тиклаш бўйича ишлар бошлаб юборилишидан умидвормиз.

Ўзбекистон Республикаси Маданият ва спорт ишлари вазирлиги ҳамда бизнинг уюшмамиз ўзаро ҳамкорлик тўғрисидаги конвенцияни имзолади. Унга кўра, барча ишлар Ўзбекистонлик ҳамкасбларимиз ва санаъат ёдгорликларини тикловчи мутахассислар билан ҳамкорликда олиб борилади.

Жамоатчилик биз амалга ошираётган ишларнинг натижалари, жумладан, XII асрда ҳукм сурган Қорахонийлар сулоласига тегишли бетакрор топилмалар мажмуининг қазиб олиниши каби янгиликлардан хабардор бўлиши ҳам муҳим аҳамият касб этади. Бу тарихий топилмалар Самарқанддаги музейида доимий равишда сақлашга тайёрланмоқда, шунингдек, улар халқаро кўргазмаларда ҳам намойиш этилади.

Франциялик олим Ўзбекистон Республикаси археологик меросини Париж ва Барселона сингари шаҳарларда намойиш қилиш режалари диққатга сазовор эканигини алоҳида таъкидлади.

— Биз бетакрор табиат манзаралари, халқ оғзаси ижоди, хунарамандчилик ва Александр Македонский юришидан қолган тарихий ёдгорликлар туфайли катта сайёҳлик салоҳиятига эга бўлган Бойсун ва Дарбанд минтақаларида иш олиб боришни режалаштирмоқдамиз. Мақсадимиз бу заминни, жумладан, Александр ўзининг бўлажак рафиқаси — бу минтақа вакили бўлмиш Роксанани учратган жойларни батафсил ўрганишдан иборатдир.

Ушбу қўлай фурсатдан фойдаланиб, ўзбекистонлик ҳамкасбларимизни барчамиз учун бирдек муҳим байрам — Халқаро ёдгорликлар ва тарихий жойлар куни муносабати билан чин дилдан табриклаш ҳамда Ўзбекистоннинг бетакрор тарихий ва маданий меросини тиклаш бўйича ўзаро манфаатли ҳамкорликни давом эттиришдан иштиёқманч эканлигимни билдиришни истар эдим.

«Жаҳон» АА Париж



МАМЛАКАТИМИЗДА

• Ўзбекистон Республикаси Олий Мажлиси Сенати Қонунчилик ва суд-ҳуқуқ масалалари кўмитасининг йиғилишида «Нодавлат нотижорат ташкилотлари фаолиятининг кафолатлари тўғрисида»ги Ўзбекистон Республикаси Қонунининг Наманган ва Жиззах вилоятларида маҳаллий давлат ҳокимияти ва бошқаруви органлари томонидан ижро этилишини ўрганиш натижалари кўриб чиқилди.

• Ўзбекистон Республикаси Давлат солиқ кўмитасида солиқ органларининг 2012 йил биринчи чорақдаги фаолияти яқунлари ва биринчи ярим йиллик учун устувор вазифаларга бағишланган кенгайтирилган ҳайъат йиғилиши ўтказилди.

• «Бухоро-Қорақўл» масъулияти чекланган жамияти дизайнерлари томонидан ипак мато ва қорақўл теридан тайёрланган нақшинкор шарфлар яратилиб, ишлаб чиқаришга жорий этилди.

• Хатирчи туманидаги 61-умумтаълим мактаби 5 минг АҚШ долларилек ўқув жиҳозлари билан таъминланди. Ушбу хайрли иш Жаҳон банки кредит маблағлари ҳисобидан молиялаштирилаётган «Мактаб таълимини ривожлантириш» лойиҳасининг иккинчи босқичи доирасида амалга оширилди.

• Самарқанд шаҳрида «Умид ниҳоллари - 2012» спорт ўйинларининг минтақавий саралаш босқичи бўлиб ўтди. Унда мезбонлардан ташқари, Қашқадарё ҳамда Навоий вилояти ўқувчи-ёшлари ўзаро куч санашди.

• Бугун халқ депутатлари Тошкент шаҳар Кенгашининг навбатдаги сессияси бўлиб ўтди.

• «Камолот» ёшлар ижтимоий ҳаракатининг Андижон вилояти кенгаши ташаббуси билан вилоятнинг Улугнор туманида «Камолот» боғи барпо этилди. Барча туман ва шаҳар ёшлари вакиллари ушбу хайрли ишда фаол қатнашди.

ЖАҲОНДА

• Бразилия дорихоналарида сотилаётган препаратларнинг ўттиз фоизи истеъмолга яроқсиз эканлиги аниқланди, деб хабар беради РАТА-ТАСС. Шифокорларнинг сўзларига кўра, кўплаб дори ва витаминларнинг таркибида кўрғошин моддаси мавжуд.

• Буюк Британия мактабларидаги ошхоналарда ўқувчилар учун егулик ҳақини тўлашнинг янги усули жорий қилинди. Энди болалар пул ўрнига махсус аппаратда бармоқ изларини қолдиради. Шу тарихи ўқувчининг банкдаги ҳисобидан пул ечиб олинади.

• Археологлар Миср ғорларининг бирдан узум шарбати тайёрлашда фойдаланилган қадимий дастгоҳни топдилар. Милoddан 4 минг йил аввал ишлатилган маъмур қурилма узум ачитқиси сақланувчи хум, узум ширасини сиқиб олувчи дастгоҳдан иборат. Маҳаллий матбуотнинг ёзишича, маъмур ғордан ёши 5,5 минг йиллик қичитқи ўтдан тўқилган кийим-кечек, заргарлик буюмлари ҳам топилган.

• Шотландия маъмурияти фаст-фуд маҳсулотлари рекламасини чеклашга доир янги қонун қабул қилди. Унга кўра, таркибида ёғ ва туз миқдори кўп бўлган гамбургер, пицца ва бошқа ширинликлар, яъни фаст-фуд таомлари кечки соат тўққиздан кейин реклама қилинмаслиги шарт.

• Халқаро археологлар гуруҳи томонидан Грециянинг Санторини оролида Минной цивилизация даврига (милoddан аввалги 2600-1450 йиллар) оид, XVII асрда вулқон отилиши натижасида вайрон бўлган қадимий Акротирий шаҳри қолдиқлари топилди.

• Буюк Британияда пиёдалар учун янги қонун ишлаб чиқилди. Хужжатга кўра йўлни кесиб ўтувчи пиёдаларнинг мобил телефон ва мусикий плеерлардан фойдаланиши қатъиян ман этилади. Тартиббузалари маъмурий жавобгарликка тортилади. Зеро, тadbиркорлар мобил телефонда гаплашаётган ёки плеерда мусика тинглаётган пиёда ён-атрофдаги товушларни эшитмаслиги ва хатти-ҳаракатларга бефарқ бўлишини кўрсатган.

ҚИСҚА САТРЛАРДА

Тошкент шаҳар ҳокимлигининг Ахборот хизмати ва ўз муҳбирларимиз хабарларидан.


✓ **БУГУН** «Ёшлик» талабалар шаҳарчасида «Соғ танда соғлом ақл» мавзусида спорт мусобақалари уюштирилди.

✓ **КЕЧА** Тошкент ирригация ва мелиорация институтида сувдан оқилона фойдаланиш, транс-

чегаравий экологик муаммоларни ҳал этишда ҳамкорликни ривожлантириш масалаларига бағишланган давра суҳбати бўлиб ўтди.

✓ **КЕЧА** Мирзо Улуғбек номидаги Ўзбекистон Миллий университетида талабаларнинг анъанавий III медиа конференцияси ўтказилди.

Тошкентда профессионал муайтайчилар ўртасида «Буюк Ипак йўли» соврини учун халқаро турнир бўлиб ўтди. Мусобақа Халқаро муайтай федерацияси (IFMA) шафёлигида Ўзбекистон Маданият ва спорт ишлари вазирлиги, мамлакатимиз ҳаваскор ва профессионал муайтай ассоциацияси, Шарқ яккакурашлари ва жанг санъатларини ривожлантириш маркази ҳамкорлигида ташкил этилди.



Муайтайчи Абдул (Абду) олтай сурат

Муайтай

ХАЛҚАРО МУСОБАҚА ЯКУНЛАНДИ

Мусобақанинг очилишида Ўзбекистон маданият ва спорт ишлари вазирининг биринчи ўринбосари Ж.Акромов мамлакатимизда Президентимиз Ислам Каримов раҳнамолигида спортни ривожлантириш ва оммалаштириш бўйича амалга оширилган ишлар самарасида бугун ёшларимиз йирик халқаро мусобақаларда совринли ўринларни қўлга киритаётганини таъкидлади. Ўзбекистон кўлаб спорт турлари бўйича кўта ва жаҳон чемпионатларига мезбонлик қилаётгани ҳам ёш спортчиларимизнинг профессионал маҳорати ва тажрибасини оширишга хизмат қилаётди.

– Ўзбекистон йирик спорт анжуманларини юқори савияда ташкил этиш бўйича катта тажрибага эга, – дейди Халқаро муайтай федерацияси президенти Сакчай Тапсуван (Таиланд). – Тошкентда муайтай бўйича жаҳон ва Осиё чемпионатларининг юксак савияда ўтказилгани, ўзбекистонлик муайтайчиларнинг жаҳон майдонларида кўлга киритаётган юқори натижалари ҳам мамлакатимизда Президент Ислам Каримов томонидан спортни ривожлантиришга қаратилаётган улкан эътибор самарасидир.

Муайтай бўйича Ўзбекистон тарма жамоаси 2011 йили ёшлар ва катталар ўртасида ўтган жаҳон чемпионатида 14 олтин, 8 кумуш ва 9 бронза медалга жамғариб,

умумжамоа ҳисобида биринчи ўринни эгаллади.

«Ўзбекистон» спорт мажмуаси мезбонлик қилган навбатдаги нуфузли турнирда ҳамюртларимиз билан бирга Таиланд, Малайзия, Россия, Литва ва Бразилиядан энг кучли профессионал муайтайчилар голиблик учун куч синашди.

Мусобақанинг марказий жанги ҳамюртимиз, муайтай бўйича ҳаваскорлар ўртасида уч карра жаҳон чемпиони, профессионал муайтай бўйича минтақаларо чемпионлик камари соҳиби Фирдавсий Холмуродов ва литвалик Евгений Каунетис ўртасида ўтказилди. Минтақаларо чемпионлик камарига 2008 йилда сазовор бўлган Ф.Холмуродов тўрт йилдан бери чемпионлик унвонини муносиб ҳимоя қилиб келмоқда.

Баҳсда Ф.Холмуродов рақибини биринчи раундда нокаутга учратиб, муҳлис мутахассислар ишончини оқлади.

Шунингдек, «Буюк Ипак йўли» соврини учун ўтказилган рейтинг жанглирида рингга чиққан Шухрат Ботиров россиялик Евгений Макнини, Азиз Назаров таиландлик Чангпуг Ситтермсубини, Саидхамд Орипов малайзиялик Чи Жан Кайни, Юсуф Иброҳимов эса бразилиялик Марсело Тенориони мағлубиятга учратди.

Байрам АЙТМУРОДОВ,
ЎЗА МУЖБИРИ

Огоҳлик

ЁНҒИННИНГ ОЛДИНИ ОЛИШ – БАРЧАМИЗНИНГ БУРЧИМИЗ

Олов – тилсиз ёв, дейдилар. Ёнғинлар туфайли мамлакат иқтисодиётига, одамлар ҳаётига жиддий зиён етади. Шу сабабли уларнинг олдини олиш муҳим вазифадир.

Мамлакатимизда ёнғин хавфсизлигини таъминлаш, ушбу соҳада юқори малакали мутахассисларни тайёрлаш, «тилсиз ёв»нинг олдини олиш ҳамда бартараф этишга доир самарали чора-тадбирлар амалга оширилмоқда. Ўз навбатида, бу ишларда барчанинг фаол иштироки этиши, ёнғин хавфсизлиги қоидаларига қатъий риоя қилиши долзарб аҳамиятга эга.

Аммо ёнғиннинг олдини олишининг оддий қоидаларига ҳамма ҳам тўла амал қилавермайди. Оқибати эса аниқ. Мисол учун, уйлар атрофлари, кўча ва майдонлар тозалангани, йирилган чиқинди, хас-хашак эса махсус ажратилган жойларга олиб кетилмасдан ёқиб юборилади. Арзимасдек бўлиб кўринган бундай бепарволик катта талафотларга олиб келувчи ёнғинларнинг келиб чиқишига сабаб бўлиши мумкин. Ёки ўша тўплаб қўйилган чиқинди-хазонга ўчирилмаган сигарета қолдиқларининг тушиши, болаларнинг гугурт билан ўйнаши каби эҳтиётсизлик туфайли ҳам катта ёнғинлар келиб чиқиши мумкин.

Ўзбекистон Республикасининг 2009 йил 30 сентябрда қабул қилинган «Ёнғин хавфсизлиги тўғрисида»ги қонунчи ва Вазирлар Маҳкамасининг 2011 йил 18 ноябрда қабул қилинган «Ҳар йили ёнғин хавфсизлиги ойлигини ўтказиш тўғрисида»ги қарори бу борадаги ишлар самарадорлигини оширишда муҳим омил бўлмоқда. Мазкур меъёрий-ҳуқуқий ҳужжатларнинг қабул қилиниши натижасида ёнғин хавфсизлиги хизматининг инсон, давлат ва жамиятнинг ҳаётий муҳим манфаатларини таъминлаш борасидаги саъй-ҳаракатлари самарадорлиги ошмоқда.

Миробод тумани Ёнғин хавфсизлиги хизмати ходимлари ҳам маҳаллаларда, аҳоли турар жойларида хусусий уй-жой мулкдорлари ширкати ходимлари билан учрашувлар уюштириб, кўп

қаватли уйлар атрофида турли хил чиқиндиларни ёқиш ҳолларига йўл қўймайлик ҳамда ёнғин келиб чиқишининг олдини олиш бўйича профилактик чора-тадбирларни амалга оширишмоқдалар. Тегишли идоралар билан ҳамкорликда хонадонлар, ташкилот ва корхоналарда текширишлар ўтказилмоқда, аниқланган носоз иситиш мосламалари, газ ускуналари, электр тармоқларидан фойдаланиш ҳолатлари бартараф этилаётди.

Бундай саъй-ҳаракатлар самарадорлиги ҳар бир инсоннинг ёнғин хавфсизлиги қоидаларига қатъий риоя этишига ҳам кўп жиҳатдан боғлиқдир. Хусусан, кўчалар, мавзе ва майдонларда йиғилиб қолган хазонларни ёқиб юбориш, ёш болаларни уй ва кўчаларда назоратсиз қолдириш, уларнинг гугуртдан фойдаланиши қатъиян тақиқланади. Кўп қаватли уйлар томини таъмирлашда мум эритилиши ҳам нохуш ҳолатларга олиб келиши мумкин. Кўчаларда йиғилган хазонлар устига сигарета қолдиқларини ташлаш, бино ва уй-жойлар атрофида хазон ва барглари йиғиб қўйиш, уларни ёқиш, махсус ажратилмаган жойларда ва ётоқ жойларида сигарет чекиш каби кундалик ҳаётимизда учрайдиган ҳолатлар ёнғин келиб чиқишида асосий сабаб бўлиши мумкинлигини унутмаслигимиз лозим.

Ҳаммамизда хонадонимизда ва иш жойимизда ёнғин хавфсизлиги қонунқоидаларига риоя қилсак, ўзимизни ва фарзандларимизни, мол-мулкимизни ўт балосидан сақлаган бўламиз. Ёнғин содир бўлганида телефон орқали «101» рақамига хабар бериб, манзилни тўлиқ айтишни унутманг.

Улғабек ТУРСУМАТОВ,
Миробод тумани
ИИБ Ёнғин хавфсизлиги бўлими
инспектори, кичик сержант
(ЎЗА)

ОЗ-ОЗ ЎРГАНИД ДОМО БИГУР

МАШРИҚЗАМИН – ҲИКМАТ БҮСТОНИ
ШАРҚ ҲИКОЯТ ВА РИВОЯТЛАРИ

Ният ва ижро ҳамиша ҳам мос келавермайди. * * *

Жанжал учун баҳона топишдан осони йўқ. * * *

Кўнгилда дард бўлса бўлсин, гард бўлмасин. * * *

Кўзи очдан кўрққулик. * * *

Тажриба барибир ўз сўзини айтади. * * *

Меҳнатдан бир нарса қолади, гийбатдан эса йўқ. * * *

Ўзига бино қўйган бировнинг гапига кирмайди. * * *

Ёқмаган иш унмайди. * * *

Ҳар ким ўз ишини қилса, оламда муаммо қолмас эди. * * *

Кўлидан иш келмайдиганлар душманлик йўлига ўтиб олишади. * * *

Меъридан ошган ўз бошини ўзи ейди. * * *

Таниш-билиш ошда, дўст ишда билинади. * * *

Бирор нарсага қаттиқ умид боғламаки, ўша нарса амалга ошмай қолса, кучли изтироб ичида қоласан. * * *

Бу ҳаёт рози бўлсанг ҳам ўтади, норози бўлсанг ҳам. * * *

Мусибат кишини бир лаҳзада улғайтириб қўяди. * * *

Бировнинг арзимаган хатоси бошқага жуда қимматга тушиши мумкин. * * *

Воқелик ақлга буй бермайди. * * *

Ҳар бир сўзинг, ҳар бир ҳаракатинг билан бировларнинг тақдирига масъул эканлигингни ҳеч қачон унутма. * * *

Ақл ёшга қарамайди. * * *

Вақтини қизганган оқил, Нақдини қизганган бахил. * * *

Қарғиш – ожизнинг қуроли. * * *

Кўнгли эгрининг ҳаёлига тўғри гап келмайди. * * *

Доимий омадсизликлар ҳар қандай неқбин одамни ҳам охир-оқибат бадбин қилиб қўйиши мумкин. * * *

Дид фаросатга боғлиқ. * * *

Ёмон билан талашиб обрў ололмайсан. * * *

Саломатлик омиллари

КЎЗОЙНАК ТАНЛАШДА АДАШМАНГ

Қадимги Хитойда кўзойнак бўлмаганлиги сабабли ёш аёллар ажинлар тушишининг олдини олиш, кўзни қуёш нуридан сақлаш учун барглardan ясалган бош кийимлардан фойдаланганлар.

Қадимда римликлар ва юнонлар сув билан тўлдирилган шишали шар нарсаларни катталаштириш хусусиятига эгаллигини сезиб қолишади. Лекин улар бундай ҳолни вужудга келтиришда жисмининг қаварик шакли эмас, балки унинг ичидаги суяклик асосий аҳамиятга эга эканини англамаганлар. Тадбиркорлар ўш расталарини ана шундай шаклдаги шишалар билан безатишни бошлашди. Сув устида сузиб юрган мевалар чиройли кўринар, унинг ёнида турган таом эса кишиларни янада жалб қиларди.

Замонлар оша тараққий топган техника ҳар қандай муаммони ҳал этишда қўл келиб, бугун бошқа бир қатор мақсадларга хизмат қилувчи кўзойнакнинг кўнглина турлари истеъмолчиларга тақдим этилмоқда.

Яхшироқ кўриш ва бойлиқни кўз-кўз қилишга хизмат қилган кўзойнак даврлар ўтиши билан мода оламининг ажралмас қисмига, ташқи кўринишининг ўзига хос рамзига айланган ролга эришди. Ҳатто бугунги кунда кўришдан шикоят қилмайдиганлар ҳам кўзойнак тақияпти.

Ишбилармон аёллар эрталаб ишга кетишдан олдин алоҳида синчковлик билан пардоз-андозга берилгандан кўра, урфдаги кўзойнакни тақиб, ўзлари га аниқ қўлайлик яратадилар. Ёш мутахассис эса шаффоф кўзойнақда салобатлироқ кўришни, кишиларга ўзига нисбатан ҳурмат уйғотади.

Бугунги кунда кўзойнақлар асосан шиша ва елимдан тайёрланади. Ҳар иккинсининг ҳам яхши-ёмон томонлари бор албатта. Елим шишага нисбатан анча юмшоқ, лекин чидамсиз. Бошқа турдагилардан икки ба-

робар енгиллиги елим кўзойнақларнинг асосий ютуғидир. Ойнали кўзойнак сингандан унинг парчалари келтириб чиқарилган кўнглисизликларни ҳисобга олмасак, елим мосламанинг жароҳат етказиш хавфи анча кам.

Кўзойнак танлар экансиз, у қўлай, қулоққа, бурун қаншарига ботмаслиги, асосийси, кўз олдида линза тўғри ҳолатда туриши, яъни кўзга нисбатан симметрик равишда пешонадан ёноққа томон сал эгилиб туриши лозим.

Кўзойнакни жуда эҳтиётлик билан авайлаб туттиш керак. Уни шишасининг қаварик томони билан столга қўйманг, чунки бундай қилсангиз, линза юзаси бузилади. Кўзойнақдан фойдаланмаётган пайтнингизда уни гилофига солиб қўйинг. Кўзойнакни авайлаб тутсангиз, у сизга кўп йиллар хизмат қилиши шубҳасиз.

Ҳозирда кўзойнақларни исталган жойдан топиш мумкин.

Ўзингизга мос ва хосини бемалол харид қилаверасиз. Кўпчилик кўзойнак харид қилишда унинг гардишига эътибор бериб, линзасини диққатдан четда қолдиради. Афсуски, кўча-кўйда сотилаётган кўзойнақлар тиббиёт талабларига жавоб бермайди. Сифат ва саломатлик талабларига жавоб бермайдиган махсулот харид қилиш эса оптик нуқсонлар, хусусан, абберация (линза орқали ўтайдиган ёруғлик нурларининг бир нуқтада тўпланмай, ундан сал оғишни) келтириб чиқаради. Бу эса кўзининг чарчатиши, бош оғриғига сабаб бўлиб, оқибатда кўриш қобилиятини пасайтиради. Шунинг учун шифокорнинг кўрсатмаларига амал қилиб, ўзингизга тўғри келадиган кўзойнакни ишончли оптик дўконларидан сотиб олганингиз мақсадга мувофиқ.

Очил ҲАЗРАТОВ
тайёрлади

РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР

Кўчмас мулк сотишни ёки сотиб олишни хоҳлайсизми?
Бу борада ишончли ҳамкор излаяпсизми?

Унда шошилиб таваккал қилманг.
Акс ҳолда, вақтингиз ҳамда нақдингизни беҳудага совиришингиз мумкин.

Кўчмас мулк бозорида 1-сонли риэлторлик лицензиясига эга бўлган **“KO’CHMAS MULK SAVDO XIZMATI” МЧЖ** Сизга кўчмас мулк, хусусан ишлаб чиқаришга доир бино-ишоотлар ҳамда тураржой биноларини сотиш ва сотиб оlishда ишончли хизмат кўрсатади.

Бунинг учун жамиятимизнинг юқори малакали мутахассисларининг (+99899) 998-62-72, 977-82-55, 977-77-85 телефон рақамларига қўнғироқ қилинг ва улар билан тўғридан-тўғри боғланинг. Кўчмас мулкнингизни оммавий тарзда ўтказиладиган савдоларда шакланган ҳақиқий нархлар билан таққослаган ҳолда республика миқёсида тарғиб этилиб, энг юқори нархда сотилиши кафолатланади.

Маслахат ва консалтинг хизматлари қонунчиликда белгиланган тартибда, шартномалар асосида амалга оширилади. **“KO’CHMAS MULK SAVDO XIZMATI” МЧЖ** томонидан кўрсатиладиган хизматлар сифати, қўлайлиги ва арзонлиги билан Сизни, албатта, қувонтиради.

Унутманг! “Ko’chmas mulk savdo xizmati” МЧЖ кўчмас мулк бозорида энг биринчи ва энг ишончли ҳамкордир.

Мурожаат қилинг ва барака топинг!
Лицензия: RR-0001

«ТОШКЕНТ ОҚШОМИ» ва «ВЕЧЕРНИЙ ТАШКЕНТ»

Эълонлар шанба ва якшанбадан ташқари ҳар куни соат 9.00 дан 16.00 гача қабул қилинади. Маълумотлар учун телефон: 233-28-95. Факс: (3712) 233-21-56.

Манзилимиз: Матбуотчилар кўчаси, 32-уй, 2-қават, 223-хона.

«ДАВОМИ БОР»
Эргаш ОЧИЛОВ тайёрлаган

Ўзгидромет
Узгидрометнинг мониторинг хизмати маълумотида кўра, 19 апрелда Тошкент шаҳри об-ҳаво шароити

Тошкент шаҳрида 19 апрель кунини ҳаво зарарли моддаларнинг ўзариб туради, ёнғинчилик бўлмайди. Шарқдан секундида 3-8 метр тезликда шамол эсади. Ҳарорат кечаси — 13-15 даража, кундаги — 29-31 даража иссиқ бўлади.

шаҳар ҳаво муҳитида биров йиғилишига имкониёт яратмайди. Шарқдан секундида 3-8 метр тезликда шамол эсади. Ҳарорат кечаси — 13-15 даража, кундаги — 29-31 даража иссиқ бўлади.